



Concilia Provincialia Mediolanensis Sex

Borromeo, Carlo

Venetiis, 1602

Indulgentiæ à S.D.N.D. Gregorio XIII. Perpetuò concessæ, omnibus
Ciuitatis, Diœcesis, & Prouinciæ Mediolanensis, Christi fidelibus, qui datis
campan[a]e signis, certo temporis spatio, ab ...

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

cessionis, impartitionis, commissionis, iniunctionis, declarationum, decreti, voluntatis, onerationis, hortationis, monitionis, requisitionis, præcepti, mandatorum, & derogationis, infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri, & Pauli Apostolorum eius se nouerit incursum. Datum Romæ apud Sanctum Petrum, Anno Incarnationis Dominicæ, Millesimo, Quingentesimo, Septuagesimo secundo, tertio Kal. Ianuarij. Pontificatus nostri Anno primo.

Cæ. Glorierius.

Indulgentiæ à S. D. N. D. GREGORIO XIII. Perpetuò concessæ, omnibus Ciuitatis, Diœcesis, & Prouinciæ Mediolanensis, Christi fidelibus, qui datis campanæ signis, certo temporis spatio, ab Illustriſſimo Archiepiscopo Mediolani in Ecclesia sua, & ab vnoquoq; eiusdem Prouinciæ Episcopo in suis Ecclesijs præscripto, aut præscribendo, orationi vacauerint.

GREGORIVS PAPA XIII. Vniuersis, & singulis Christi fidelibus Ciuitatis, & Diœcesis Prouinciæque Mediolanensis, Salutem, & Apostolicam benedictionem.



CElestia arma, quibus inter cætera, dum in hoc seculo nequam peregrinantur Christi fideles, aduersus suæ salutis hostes, in colluctatione assidue utendum eis est, preces sunt, & oratio sancta. Cuius quidem orationis studium, cum & perpetuum, & proprium, & necessarium eisdem esse, non solum verbis, sed exempli sui contestatione docuerit vnigenitus Dei filius, Christus, virtus, & sapientia patris: nos, quæ ad sanctam illam precandi, orandique exercitationem piè ac, religiosè, inspirante Deo, instituta sunt, in ijs illos sollicitè versari, spiritaliq; uirtute longius indies semper progredi, summoperè in Domino cupimus. Quare cum inter alia, quæ ad exercendam populi sui pietatem, sollicitudinis studio, dilectus filius noster Carolus Borromeus tituli sanctæ Praxedis

dis S. R. E. presbyter Cardinalis, Ecclesiæ Mediolanensis Archiepiscopus, vtiliter instituit, illud ab eodem nuper introductum esse acceperimus, vt, singulis diebus, dato certo campanatum signo, patres familias, tum in Vrbe Mediolano, tum in diœcesi, vna cum reliquis, qui de familia sunt, suæ quisque domi, ad orandum in locum vnum conueniant: salutare hoc institutum, nos illius commendantes charitatem in vobis, vt in consuetudinem, vsumque perpetuum recipiatis per Crucem Christi Domini vos nostra Apostolica auctoritate hortamur. Quo autem ardentiori pietatis zelo, ac frequentissimè in ea re, tam religiosè instituta, perseveretis; spiritualibus vos gratijs prosequi, & sanctæ Matris Ecclesiæ amplioribus etiam donis, ac thesauris cumulare volumus. Itaque de Omnipotentis Dei, cuius Vicariam in terris gerimus, misericordia, & beatorum Petri, & Pauli Apostolorum eius auctoritate confisi, omnibus, & singulis, vtriusque sexus Christi fidelibus, humili, & contrito corde ad Deum conuersis, qui, datis campanæ signis, certo eo temporis spatio ab eodem Cardinale, & Archiepiscopo, præscripto, aut pro tempore præscribendo, orationi vacauerint, quoties id fecerint, dies centum; qui verò singulis diebus per totam hebdomadam ad præscriptum illud temporis spatium, in ea orandi exercitatione perseverauerint, ijs annum præterea; qui per mensem, illis annos septem; & totidem quadragenas de in iunctis, vel aliàs quomodolibet debitis pœnitentijs; qui autem salutaris huius instituti vsum retinuerint, si contriti, & confessi, die Dominico Quadragesimam proximè præcedente. Sanctissimum Eucharistiæ Sacramentum deuotè sumpserint, ijs plenariam omnium, & singulorum peccatorum suorum Indulgentiam; ac plenariam item in articulo mortis, misericorditer in Domino concedimus, & elargimur.

Vtque ad alias etiam eiusdè Mediolanensis Prouinciæ Vrbes, Oppida, vicos, & loca quæuis, orandi hæc instituta exercitatio sanctæ deriuetur; & quæ vsquam instituta, piè retineatur, & conseruetur: nos pro ea, quam gerimus, omnium Ecclesiarum sollicitudine, hanc ipsam Indulgentiam omnibus, & singulis alijs Christi fidelibus, qui vsquam in eadem Prouincia hoc precandi institutum, ab suo Episcopo iam introductum, vel in posterum introducendum amplexi sunt aut amplectentur, eodem, vt supra, modo in Domino concedimus his literis; quas sub quibusuis similibus, vel dissimilibus Indulgentiarum reuocationibus, suspensionibus, vel derogationibus per nos, seu Sedem Apostolicam, sub quibuscumque tenoribus, & formis, ac cum quibusuis clausulis, & decretis, pro tempore editis, & edendis nullatenus comprehensas, sed ab illis exceptas, & quoties illa-

edentur, in pristino statu esse, & censeri, atque eisdem Christi fidelibus perpetuò suffragari debere decernimus. Dat. Romæ apud Sanctum Petrum sub Annulo, Piscatoris die xxiiij. Octobris, Milleesimo, Quingentesimo, Septuagesimo secundo, Pontificatus nostri, Anno Primo.

Ca. Glorierius.

LITERAE. S. D. N. D. GREGORII PP. XIII.
Concessionis indulgentiarum, & gratiarum Confraternitatibus Sanctiss. Corporis Christi, in Ciuitate, & Diœcesi, ac Prouincia Mediolanensi.

PIVS Episcopus, seruus seruorum Dei, ad perpetuam rei memoriam.



Niuerſis Chriſti fidelibus præſentes literas inſpecturis ſalutem, & Apoſtolicam benedictionem. Licet is, de cuius munere venit, vt ſibi à ſuis fidelibus dignè, & laudabiliter ſeruiatur, de abundantia ſue pietatis, quæ merita ſupplicum excedit, & vota; benè ſeruientibus ſibi multò maiora retribuatur, quam valeant promereri: Nihilominus deſiderantes, Domino populum reddere acceptabilem, & bonorum operum ſectatorem, fideles ipſos ad complacendum ſibi, quibusdam allecitiuis muneribus, Indulgentijs videlicet & peccatorum remiſſionibus inuitamus, vt exinde reddantur diuinæ gratiæ aptiores, Vt igitur Chriſti fideles ad ingrediendas confraternitates ſub inuocatione ſanctiſſimi Corporis Chriſti, in Ciuitate, & diœceſi, ac Prouincia Mediolanenſi haçtenus Canonice erectas, & impoſterum erigendas eò libentius inducantur, quò exinde vberiori cæleſtis gratiæ dono conſpexerint ſe reſectos; De omnipotentis Dei miſericordia, ac beatorum Petri, & Pauli Apoſtolorum eius aucto-ritate conſiſi, omnibus, & ſingulis Chriſti fidelibus, qui dictas confraternitates ingrediuntur, illorum ingreſſus, Plenariã, ac confratribus ipſiſ nunc, & pro tempore exiſtentibus, ac eorum ſingulis ter in uita, eorum peccatis prius conſeſſis, & Eucharistiæ ſacramento deuotè recepto, ſimiliter plenariam omnium peccatorum ſuorum Indulgentiam concedimus: ipſiſque confratribus qui prædictum Sacramentum in ſiſ-ſimis miniſtrandũ aſſociauerint, ſeu impediti, aſſociari fecerint, ac proceſſionibus, & diuinis officijs, quæ per eoſdem confratres celebrari facere contigerit, interfuerint quoties id fecerint, centum dies: qui verò

Eccleſiam,